

»My přećiwo koronje« – aktualne naprawy přećiwo koronje w Swobodnym staće Sakskej

Lube wobydlerki a lubi wobydlerjo, Wam wšitkim so dźakuju, zo naprawy přećiwo pandemiji sobu zwoprawdžeće. Njesemy tute brěmjo zhromadnje.

ministerski prezident Michael Kretschmer

Wukaz za škit před koronu



Sakske statne knježerstwo je nowy **wukaz za škit před koronu** wobzamknyło. Płaći wot 1. meje 2022 hač do 28. meje 2022. Wobsahuje zakładne škitne naprawy na bazy toho, štož zakon wo škiće před infekcijemi předpisuje.

Tule su najwažniše płaćiwe postajenja.

Přehlad napravow přećiwo koronje

Winowatosć FFP2-maski we wěstych zarjadniščach

Winowatosć wužiwanja FFP2-maski płaći w zjawnym bliskowobchadže (kontrolny a serwisowy personal, jězdžer/ka a wodžer/ka kaž tež šulerki a šulerjo trjebaja jeničce medicinisku masku).

Winowatosć FFP2-maski płaći w zarjadniščach strowotnistwa a socialnistwa (mjez druhim chorownje, lěkarske praksy, hladarnje, ambulanta hladanska služba, zarjadnišća pomocy zbrašenym)

Statne knježerstwo nuznje doporuča, w zjawnje přistupnych rumnosćach w masce chodźić a minimalny wotstawk dodžerjeć.



Winowatosć testowanja we wěstych zarjadniščach

Winowatosć testowanja na korona-wirus maja mjez druhim dźěłodawarjo, sobudžělačerjo a wopytowarjo slědowacych zarjadniščow:

- hladarnje, hospicy, dźěłarnje za zbrašenych, chorownje
- centralne zarjadnišća, kiž hospoduja požadarjow wo azyl a čekancow
- jastwa, wotsuwarnje, zarjadnišća jatby za psychisce chorych skućicelow

Winowatosć testowanja njeplaći za ludži, kotřiž su młódši hač 6 lět.

Šćěpjeni abo wustrowjeni dźěłodawarjo a sobudžělačerjo h. mj. zarjadniščow dyrbja znajmjeńša dwójce wob tydžeń aktualny wuslědk testa předpožić. W stacionarnych hladarnjach, dnjowych hladarnjach a ambulatnej hladanskej službje je znajmjeńša trójce wob tydžeń aktualny wuslědk testa trěbny.



Šule a kublanje

- W pěstowarnjach a šulach maski a testowanje wjace njejsu winowatosć.
- Winowatosć testowanja w dźěćacych dnjowych přebywanjšćach z hojenskej pedagogiku a podobnych zarjadniščach nadal wobsteji.

